

AMPARO TABOADA GIL, secretaria xeral da Deputación Provincial da Coruña.

CERTIFICA: Que o PLENO DA CORPORACIÓN da Deputación Provincial de A Coruña, na sesión ordinaria celebrada o 29 de outubro de 2021, adoptou o seguinte acordo:

22. Aprobación da modificación da cláusula XIII da vixencia do convenio administrativo de cooperación entre a Deputación da Coruña e o concello de Pontedeume polo que se instrumenta unha subvención nominativa para o cofinanciamento do proxecto "Praza no camiño inglés"

1º Estimar a solicitude do Concello de Pontedeume do 28/07/2021 na que se solicita a prórroga do convenio nº 41/2020 entre o concello e a Deputación da Coruña polo que se financian as obras relativas á *PROXECTO DE ACONDICIONAMENTO DE PRAZA NO CAMIÑO INGLÉS*

En data 28/07/2021, e dentro do establecido no convenio, a entidade achega un informe técnico sobre imposibilidade de rematar as obras, complementado cunha solicitude de prórroga por non ser posible ter rematadas as obras dentro dos prazos motivado polos retrasos debidos á COVID19 o que motivou que toda a tramitación do proxecto levase un considerable retraso.

A entidade achega informe técnico asinado polo arquitecto municipal onde especifica que a data de remate das obras, dadas as circunstancias actuais quedaría fixada aproximadamente no mes de maio 2022 e acta de entrega en xuño 2022. Dado que o convenio establece na súa cláusula XIII de vixencia do mesmo no que se determina que a prórroga en ningún caso poderá superar o 31 de outubro de 2021. Polo tanto , NON PROCEDE UNHA PRÓRROGA, mais sí se contempla a posibilidade de modificación do convenio, segundo figura no punto 3 da dita cláusula.

"Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, o convenio poderá ser obxecto de modificación. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario."

2º.- Aprobar a modificación do texto do convenio de interadministrativo de cooperación 41/2020 suscrito entre a Deputación Provincial de A Coruña e o CONCELLO DE PONTEDEUME CIF P1507000F para o financiamento do "PROXECTO DE ACONDICIONAMENTO DE PRAZA NO CAMIÑO INGLÉS " na súa cláusula XIII onde se modifica a data da vixencia do mesmo, quedando establecida no **31/10/2022**

3º.- A subvención poderá facerse efectiva, dacordo coas previsións e requisitos fixados no convenio con cargo á partida orzamentaria 0510/4322/76201.

Polo tanto a cláusula XIII do convenio quedaría como segue:

XIII.- VIXENCIA DO CONVENIO, PRÓRROGA OU MODIFICACIÓN.

1.O presente convenio de cooperación interadministrativa producirá efectos desde a data da súa sinatura e conservará a súa vixencia ata o 31 de outubro do 2022. Dado que a existencia deste convenio se estende a exercicios futuros, a súa aprobación queda condicionada á existencia de crédito adecuado e suficiente no exercicio orzamentario correspondente e ao cumprimento dos obxectivos da Lei de Estabilidade Orzamentaria.

2. Para o caso de que a entidade beneficiaria non poida ter rematadas as obras e presentada a xustificación no prazo sinalado na cláusula VII, deberá solicitar **antes do 30 de setembro de 2022, a PRÓRROGA** do prazo inicial, achegando coa solicitude un novo programa de traballo asinado pola dirección de obra, co fin de que a Deputación poida acreditar a existencia de crédito adecuado e suficiente para o pago do segundo prazo pola contía do 60 % do importe correctamente xustificado. Acreditada esta circunstancia, a Deputación poderá conceder a prórroga solicitada, que **en ningún caso poderá exceder do 31 de outubro do 2023**, todo iso, igualmente condicionado á existencia de crédito axeitado e suficiente nos exercicios orzamentarios correspondentes e ao cumprimento dos obxectivos da Lei de estabilidade orzamentaria. A esta data, o convenio quedará definitivamente extinguido, de xeito que a entidade beneficiaria perderá o dereito ao cobro do importe correspondente á contía non xustificada a dita data.

De acordo co establecido na cláusula VII do presente convenio, unha vez finalizado o prazo de vixencia ou no seu caso, o das prórrogas efectivamente solicitadas en prazo, sen que se presentase a xustificación, a unidade xestora requirirá a entidade beneficiaria para que presente a documentación no prazo improrrogable de 15 días. De non presentarse no devandito prazo, o convenio quedará definitivamente extinguido, comportará a perda do dereito ao cobramento da subvención e implicará a iniciación do expediente de reintegro, no seu caso, do anticipo percibido máis os correspondentes xuros de mora.

3. Tamén, por acordo expreso de ambas as dúas partes e previos os informes da Unidade Xestora, do servizo de Patrimonio e Contratación, da Secretaría e da Intervención da Deputación, **o convenio poderá ser obxecto de modificación**. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario

E para que conste e sen prexuízo dos termos da aprobación da acta, segundo o disposto no artigo 206 do Regulamento de organización, funcionamento e réxime xurídico das Corporacións locais, expido a presente de orde e co visto e prace do Sr. Presidente na Coruña.

A secretaria: Amparo Taboada Gil (asinado dixitalmente)

O presidente: Valentín González Formoso (asinado dixitalmente)